



Bain zuppads en quels trais mats, (da san.) Fadri Arpagaus, Nevio Beer e Paulo Genco.

FOTOS G. N. STGIER



Stadas al di dal militar èn er quellas trais mattas sursilvanas. (da san.) Alina Caminada, Leoni Mirocha e Sina Mara Candinas.

«Mir nach: Marsch!»

Pass da vacanzas: visita tar il militar

DA GION NUTEGN STGIER / ANR

■ Per in di ha la scola da recrut «Inf RS 12» a Cuira gi 120 ulteriurs recruits. La raschun è stada che 120 uffants dal Pass da vacanzas da tschintg lieus han fatg ina visita al militar. Il cumond dal di è stà fitg vast. Visità ils detaschaments ha er Daniel Steiner, il cumandant da la scola da recrut. Normalmain visitan participantas e participants dal Pass da vacanzas da la Pro Juventute ina banca, in spital, Radiotelevision Svizra Rumantscha ubain er ils pumpiers. Els fan lura er curs d'ir cun bike, da rampignar, lavurar cun laina e schizunt da cuschnar. Cumplettamain tut insatge auter è lura la purschida nua ch'ils uffants da l'emprima enfin la 6. classa han la chaschun da visitar per in di la scola da recrut a Cuira, la «Inf RS 12». Dalla partida essan er nus stads, quel di ch'il dumber dals recruits è s'augmentà per intginas uras dad 800 sin 920 d'els.



En varsaquants onns è la recruta per els trais er realitad. (da san.) Gion Elia Huonder, Livio Cajöri ed Alessio Cugnach.

recruits ed er lur urden en chombra. Surtads eran ils mats e las mattas che en tutas chombras han els vesì nagina televisiun. In tgit en cuschna han ils uffants er pudì dar e lura ha il sergent er mussà il local d'arrest. Dumandà han els bain pertge ch'in recruit haja insumma d'ir en parschun e quant dis ch'el restia en quella rusna? Cun vesair la stanza d'arrest èsi en in culp vegnì pli quiet. Activs èn ils uffants vegnids tar il post da sanitad nua che tuts han gi ina buna instrucziun dals recruits da sanitad.

Gentar en cuminanza

Tenor il cumond dal di era il gentar fixà sin las 12.00. Sin quel sa legravan ils participants e las participantas dal Pass da vacanzas gist uschè fitg sco ils 800 recruits. Mangià han ils uffants en cuminanza e gi da star han els en colonna. Per in mument èsi vegnì calm cun cumparair Daniel Steiner, il cumandant da la scola da recrut sin il champ da gentar. Cun el sez esser bab d'intgins uffants ha el prendì bler temp per ils ses pli giuvens recruits. Bainspert ha mingin dals 120 uffants gi

damain respect dal colonel dal stab general. Gugent ha Daniel Steiner er da pled e fatg a ses visitaders ed er gi grond plachair che tants uffants han mussà interess per quel di tar il militar. Suentar gentar ha mingin gi la chaschun da scriver ina carta a ses geniturs, quella ha natiralmain retschet il bul da la posta militar.

Il punct culminant dal di

Cuntinuà ha l'expediziun militar lura per ils 120 uffants cun ir da l'arsenal al Rossboden cun intgins chars armads da la marca Piranha e cun schenumnads Duros. Sin l'areal da tir e d'exercizi èn vegnidas fatgas cun ils vehichels da militar intginas rundas. Per mats e mattas èn quels girs stads il punct culminant dal di. Mats e mattas, omaduas han gi in vair «gaudi» da girar per il «Rossboden» enturn cun cuntanscher ils vehichels ina pulita sveltezza. Cun avisar la partenza è il di à fin, in di che resta segir en memoria fin quel di che la scola da recrut cumenza pir dretg per ils participants dal Pass da vacanzas e forsa er ina da las matras.



Petra Pally (dretg) ina da las manadras dal Pass da vacanzas Cadi en discurs cun Daniel Steiner (en pais) il cumandant da la scola da recrut Cuira.



L'attracziun dal di: ir cun ils differentes vehichels da militar sco cun quel «Piranha».



Han er tramess a chasa ina carta postal. (da san.) Ivan Flepp e Lauro Schmed.



Ina gruppa mats e mattas da la Val Alvra.



En il chagliom èn intgins mats er ids durant il di.